

11 Jehovah oominwanemaun enewh quasegoojin :
kuhya enewh apanemoonejin ooshahwanjegawin.

12 O Jerusalem, wahwezlanim Jehovah : wahwez-
zhanim keKesha-Muhnedoom, O Zion.

13 Oogemushikahwesetoonun mah enewh kedah-
pahkuhgunun emuh kekeche-ishqnaundaming : oo-
geshahwanemaun kegwissun peendig oodanaung.

14 Oopezaunesetoon keduhkeem : kuhya kedah-
shummik wanesheshid buhqazhegun.

15 Oopuggedenaun ookuhgequawin oomah uhkeeng :
keche-kezheekah-buhtoomahgudene oodekedoowin.

16 Oomegewan koon debishkoo mahnishtahne-
she-pewuying : kuhya uhpe wuhyahbekundingin tahi-
nahsug suhwawabenung peengween.

17 Oopuggedenaun oomeequumeensemun debish-
koo pewunjegunun : ahwanan kanebahwid uhpe
anahkoonegad chekeche-kissenang.

18 Uhpe anakkoonegad cheningezoong, mesuh
azhewabuk : ween oopuggedenaun chenooting, me-
suh wanje-shahgummewung.

19 Oowahbundahaun Jacobun oodekedoowin :
kuhya Israelun ootebahkoonegawinun kuhya ookuh-
gequawinun.

20 Kahween wekah oo-oo oogedoodahwahseen
pukkaun-azheweenzoonejin ahnishenahban : kah
kuhnuhga mayug-abnishenahbag ookekanduhsenah-
wah ootebahkoonegawinun. Hallelujah.

PSALM CXLVIII.

HALLELUJAH. O mahmooyahwahmik Jeho-
vah ishpeming oonje : ewede keche-ishpeming
oonje mahmooyahwahmik.

2 Mahmooyahwahmik kuhkenuh kenuhwah ood-
angenemun ayahweyag : mahmooyahwahmik kuh-
kenuh kenuhwah waqueenooyag

3 Mahmooyahwahmik kezis kuhya tebike-kezis :
mahmooyahwahmik kuhkenuh ahnungoodoo.

4 Oogahmahmooyahwuhmegoon kezbig : kuhya
enewh neebecn ewede kezbigoon ayaugin.

5 Mahnoo oogahmahmooyahwahgandahnahwah
Jehovah oodezhenekahzoowin : keekedoo dush che-
ooshechegahdag, keöozhechegahdanoon dush.

6 Oogeühyeenjesittoonun kahgenig nhpena kahge-